

## I CANTI DI PASSIONE

### 1

E' lu jovidi e santu!  
di lignu è la campana.  
Gesù tutti nni chiama,  
nni voli pirdunari.

Tri voti ci ha passatu  
Gesù di chista strata:  
chi è l'urtima chiamata?...  
attenti a nun mancani!...

Tu dormi stracuratu.  
Ti susi e nun tardari.  
Gesù è Sacramintatu  
jamulu a visitari.

'Ntra lu santu Sepurcu  
'ntra un'urna è carzaratu  
Gesù crucifigiatu  
jamulu a visitari!

E' lu venniri e santu,  
appuntu a vintun'ura!

e celu e terra scura:  
muri pi nui Gesù!

Ti spezza o cori duru! Nì~  
ti avvidi di lu Beni:  
cu spini, chiova e peni  
muri pi tia Gesù!

Cerca lu Veru Beni;

flun essiri accicatu;  
Gesù ti ha troppu amatu:  
pi tia murì Gesù!

Gesù!... Lu veru Beni!  
ca l'anima innamura;  
Beni chi eternu dura;  
murì pi nui Gesù!

Sì! Gèsu è chiddu Beni,  
chi l'anima suspira,  
cui l'agusta respira...  
nun addisia di cchiù!

Oh quantu ti ha pinsatu!  
quantu Gesù ti ha amatu!  
picchissu ora ti chiama  
và, curri tu a Gesù!

Cu lu Cilesti Patri  
ti aspetta a brazza aperti...  
via curri cchiù chi aspetti?  
via curri tu a Gesù!

Ti aspetta cu Maria  
pi dariti la grazia,  
chi sula allegra e sazia;  
curri prestu a Gesù!

Cu li Cilesti Amici,  
chi ti farannu festa,  
di l'Ancili a la testa...  
ti aspetta ora Gesù!

Ora è l'ariu sirenu  
passa Gesù Nazzarenu...  
chiama a vuci assai accurata  
chi sia l'urtima chiamata?

\*\*\*

E' l'amanti Redenturi  
oh rifletti a lu so' amuri  
oh cunsidira li peni  
di lu sulu Summu Beni!...

\*\*\*

di la Matri Addulurata  
ch'è finta di la Spata.  
Ben rifletti e ti cummovi  
currispunnì suh ti smovì!...

\*\*\*

Chista è l'ura di la grazia...  
trascurarla è gran disgrazia,  
chista vita pocu dura!...  
veni prestu l'urtima ura!...

## AL SEPOLCRO

### 3

O miu caru monumentu  
chi ti teni lu me Beni,  
senza u quali unajiu abbentu

o miu caru monumentu!

Senza Gèsu comu campu?  
lu me cori è... la mia vita...  
lu me ciatu: oh comu avvampu?!

senza Gèsu comu campu?!

Lu me cori è, la mia vita...  
o sacratu miu sepurcu,  
resta ddocu seppellita..

lu me cori., la mia vital!...

Matri santa Addulurata,  
ca si un mari di Duluri...  
angusciata... sdisulata...

Matri santa Addulurata!

Di ssu granni to duluri  
fanni parti a lu me cori...  
deh n'addumi lu to amuri

pi ssu to granni duluri!...

**Passio Domini Jesu Christi**  
**«in Sicularum idiomate »**  
**(in linguaggio siciliano)**

4

O Cruci, o parma, o oliva, o nuci persica,  
chi lignu forti e duraturu è chissù!  
unni Gesuzzu e misu di traversu  
pi nui tutti scutta ed e ncummissu!

O piccaturi, comu un pigghi versu,  
ca un ti cunfessi e comunichi spissu  
comu nun pensi Ca lu munnu è persu  
si un l'arrisuscita lu Crucifissu!

Nostru Signuri all'ortu cuntimplau  
la santa Passioni chi patiu; . i  
agunizzau... e Sangu assai sudau..  
pi l'amarizzi forti chi suffriu!

Un Ancilu c'un calici calàu  
ad Iddu rivirenti lu purgiu,  
ca tutti li turmenti chi passau  
comu Omu si l'accetta Iddu & Diu.

E veni allura Giuda omu d'affari!  
guida la truppa unn'è Nostru Signuri;  
vinnutu Iddu l'avìa trenta dinari:  
guardati comu è orrènnu tradituri!

Ca Giuda pi la truppa un si sbagghiari  
cu era Gesù Cristu Rèdenturi,  
l'abbrazza forti e lu metti a basari:  
pi a San Giuànni un pigghiari pi erruri!

O Giuda scilliratu e micidaru,

chi ntra lu baciù duni lu vilenu...  
ma a tia sarà sènza finì amàru  
ssù baciù, focu eternu 'ntra lu senu!

Ma quannu li Judé si avvicinaru  
sulu dicenriu « Gesù Nazzarenu  
sugn'ju » trimannu 'nterra arrimazzaru;  
trimau pi tri voti lu tirrenu!...

Stava durmennu Petru e lu sintiu  
a sonnu chinu e s'arrisbigghiau:  
e cu strema superbia si susiu  
ed a la prima guardia s'abbintau:

detti un corpu di spata e nun timiu  
ed un finnenti subitu tirau:  
tagghià l'oricchiu a Malcu lu Judiu;  
ma Gesù Cristo ci lu 'mpicciau!

Ma a Petru lu richiama lu Signuri:  
« O Petru, Petru, tu chi cosa sperì?  
un fari sangu, un fari mali erruri,  
muta li modi, muta li pinseri!

Avverti puru a Giuda tradituri  
chi po 'finì di pessimi maneri:  
nun fari l'ostinatu peccaturi  
cu all'oddiu si sta, l'oddiu ci veni!

E quannu a Gesù Cristu lu liaru,  
l'amabili Gesù... lu gran Missia!...  
cu cordi e cu catini l'attaccaru,  
senza nuddu rispettu e curtisia!

E versu la Cità si lu tiraru.  
Dacchè s'incontra un ciumi pi la via,  
supra lu ponti li Judè passaru,

Gesuzzu all'acqua, acqua a tirannia!

Essennu 'm via 'mmezzu li jardini  
janu facennu rami di granati,  
rami cu grappa e cu puncenti spini  
pi dari a ddi carnuzzj dilicati

lu santu Sangu nni curria a lavini  
di dda facciuzza virmigghia e sacrata  
chiddi dicennu: camini, camini,  
junta e pi tia l'urtima jurnata!

E finalmenti a la Cità junceru!  
Dda Gesù primu ad Anna è prisintatu,  
di tutti li Judè lu cchiù spriveru  
di tutti li Judè cchiù scilliratu!

nni Caifassu appressu ca severu  
sta in gran superbia judici assittatu!  
mischinu ca nun penza ca daveru  
sà mutria prestu smetti, è giudicatu!

E tanti tistimonii junceru,  
ma ognunu lu cuntrariu dicia!  
Ma Gèsu interrugatu: « Sì, lu veru  
Figghiu di Diu ju sugnu, lu Missìa ».

« E' reu di morti » chiddi difineru  
contru a Gesù chi nudda curpa avìa!  
O scillirati! oh chi granni mistero:  
la morti è data a Cui sustenta e cria!

Ci fu un judè chi cu granni fururi  
ci da unu schiaffo! o manu stimirata!  
chi granni oltraggiu fu, chi gran duluri!  
'nfacci a Gesù dda granni timpulata!

Nnni Ponziu Pilatu a lu Signuri

poi lu purtaru ntra la matinata  
dumannannu la morti cu rioni  
dicennu ca l'ha troppu miritata...

Dicianu ch'era un granni scilliratu,  
gridavanu: «Giustizia » a lu prisenti.  
Ma Pilatu li manu s'ha lavatu...  
Ca un trova nudda causa a lu Nnuccenti

pi sbizzarrari ddu populu ngratu:  
« Faciti na frustata sulamenti ».  
E a la culonna nudu ed attaccatu  
s'arriciviù li corpa e li trummenti!

Li manigordi sunnu micidiari...  
sarvagi bestii sù... cani arraggiati!  
prima di sira avianu misu a dari;  
tutta la notti detturu spietati.  
Un Ancilu chiancennu sta a cuntari:  
sei mila e centu corpa foru dati!  
li suppurtà Gesù pi a nui sarvari  
ntra li carnuzzi santi e immaculati!

Nni la Città si trovau un rumanu,  
un cavaleri nni Pilatu ja;  
tutti ddi corpa senti di luntanu  
di chidda truppa ndimuniata e ria,

trasutu e vistu, si battiu li manu  
vidennu ca ddu scempiu si facia  
chi mai si ha fattu a nuddu cristianu,  
Gesù arridduttu ca un si canuscia!

E comu na funtana ha lacrimatu  
ddu cavaleri c'arristau stuputu  
vidennu a Gesù 'cussì flagillatu  
ch'è tuttu chiaghi e sangu arridduciutu!

e si vutà a ddu populu abirratu:  
« oh chi vi ha fattu ch'è c'ussì firutu?! »  
scippau la spata e subito ha tagghiату  
li cordi e Gèsu pi mortu ha cadutu!

Onniputenti Diu, oh chi misteru!...  
di peni chiddi nautra nni pinsaru:  
d'in terra e da lu sangu ti suseru  
e ad una petra assemi ti assittaru,

cu tanti spini gerfi chi cughieru  
cumposiru na cruna e t'incrunaru;  
tri spini nsinu all'occhi ti junceru!  
li spini tantu forti t'incarcaru!  
Pilatu lu purtau a lu barcuni  
la canna 'n manu e la cruna di spina  
lu pannu russia a burla 'nmperturi  
e nsangu tutti aperti li so vini!

« E chisu è l'omu! » e pi quali ragioni  
a morti lu vuliti, a quali fini?  
Rispuninu dimonii in pirsuni  
— Vaja a la morti in ferri ed in catini.

La turba grida assemi a Caifassu  
Vulemu tutti a Gesù crucifissu —  
cu vuci e grida forti e gran fracassu  
vannu a Pilatu subunennu spissu.

E c'era 'ncarzaratu un Satanassu  
tutti dicianu « Libiranni a chissu »  
vulemu libiratu a Barabassu  
e a Gesù Nazarenu crucifissu!

Na forti cumpagnia hannu assuldatu  
c'avi pi capu a lu Cinturiuni

E' di la Cruci Gesù caricatu  
chiddi a cavaddu 'n parti ed a piduni

darrerri d'Iddu 'nsemmula attaccatu  
cu chiddu bonu lu malu latruni  
supra li spaddi di Cristu sacratu  
la Cruci cu lu truncu a strascinuni

Nun putennu acchianari, li muntati  
ja facennu li viola torti,  
li pedi avia, li manu straziati  
e li jnocchia fracassati forti;  
lu pisu di la Cruci e li lignati  
stramazzeri lu ficiru tri voti!  
mali carnifici nun lu straziati  
a Gesù nostru amuri e nostra sorti!

'ncuntrararu a Simuni Cirineu:  
vinia di ligna e a ddu puntu junciu  
lu ferma priputenti lu judeu  
ed a la cruci a Gesù l'assuppliu;

va tuttu appressu lu populu ebreu  
ch'è tantu 'ngratu e iniquu a lu sò Diu  
chi, a Cristu 'ncatinatu comu un reu  
darrè pirsicutannilu ci ju.

Appressu c'era tutta la Citati,  
c'era sò Matri cu li su consorti,  
nuddu ci fu chi n'appi pietati  
ca sutta l'occhi so portanu a morti!

lu Figghiu di la so virginitati!  
Regina di li Martiri oh chi forti  
trummenti, oh chi duluri a li frustati  
chi dunanu a Gesù e un lu cunforti!

E sunnu junti a lu munti Cravanu  
quaranta parmi la Cruci pinnia  
l'avia purtatu tanta via luntanu  
Gesuzzu è mortu e ciatu cchiù un avia.

la cruci la stinneru 'nterra chianu  
e supra d'idda lu veru Missia;  
un chiovi ci chiantaru a 'na so manu  
ma l'autra manu a puntu nun chiuncia!  
Cu tanta tirannia lu tiraru:  
lu vrazzu cu la cruci ci junceru!  
e accussì forti l'autru stiraru  
ca 'u pettu ci furzaru e cci graperu!

Oh quantu Gesù miu ti turmintaru  
nta tuttu lu to Corpu, oh chi misteru!  
cu quali straziu ssi chiova chiantaru!  
li lavini di lu Sangu nni curreru!

Lu santu pedi poi ci calaru,  
ma sutta ci chiantaru un capizzeddu  
cu un granni chiovu 'ncapu lu chiantaru  
dannu e ridannu corpa di marteddu!

Appressu l'autru pedi poi pigghiaru...  
pi farci cchiù turmentu cchiù maceddu  
darrè li longhi chiova arribuccaru:  
O Gesù Cristu Immaculatu Agneddu!

E chi ribeddu si misiru a' fari  
tutti ddi Ebrei a cori crudu è tristu  
pi putiri li chiova arribuccari  
la cruci la vutaru supra a Cristu!

Vironica si misi a lacrimari  
quannu stu malu straziu fu vistu  
pi la facciuzza 'nterra nun pusari

jttà lu vèlu so sutta di Cristu!

Comu ntra un quattru dda vitti stampata  
la Facci di Gesù Onniputenti!  
oh chi arti fina oh chi arti dilicata!  
A un bonu trattu è Diu ricanuscenti!  
Sta grazia a la Vironica fu data  
pi chiddu bonu trattu unicamenti,  
e nui nni avemu centu a la jurnata  
e sempri ngrati a Diu e scanuscenti!

Senz'avvirtenza misiru a scavari  
la terra unni era Adamu durvicatu  
lu quali Adamu nun putia sanari  
si un'era di lu sangu so lavatu;

e appuntu Adamu si vinni a truvare  
sutt'a li pedi di Cristu sacratu  
lu quali Adamu nun putia sanari  
si un era di lu Sangu sò lavatu!

Hannu chiantatu tutti li tri cruci  
ed a lu bonu e a lu malu latruni;  
'mmenzu lu Redenturi nostra luci  
cchiù autu suspisu a pinsuluni!

Fra Celu e terra jetta 'na gran vuci  
« Oh Patri Patri miu li pirduni... ».  
Poi dissi: « Siziu » dda vuccuzza duci  
e appi di acìtu e feli lu vuccuni!

Gesù arricivi lu feli e l'acìtu  
e dici allora « Cunsumatum est »  
Lu sulì si ammuccià tuttu attirritu  
essennu Diu agunizzanti e mestu;

si penti lu Rumanu ed è cuntritu

scurà lu celu a notti e ancora è prestu;  
è l'universu 'nchiantu 'mpauritu:  
Chi straziu mè Diu oh chi dissestu!  
«O Elì, Elì, lamma sabactani »  
Gesuzzu grida: « O Diu m'abbannunasti?! »  
« O Patri, l'arma mia ntra li to mani  
ju mettu »; poi la testa a nui calasti.

Murì Gesù! La terra ni trimani,  
tu puru, dura petra, ti spizzasti!  
e ancora mpinitenti t'arrimani!  
si a tantu nun ti smovi ti addannasti!

Cca lu Cinturiuni a un cecu natu  
sempri a lu scuru sempri senza luci!  
di fallu avvicinari ha già pinzatu  
unn'era Gesù Cristri misu 'ncruci

na lancia ntra li manu d'iddu ha datu  
pi trapassari ddu curpuzzu duci;  
cu na lanciata ci cassò lu latu  
lu sangu chi nisciu fu la so luci!

Avennu iddu la luci si scantau  
vidennu mortu lu sacratu gigghiu,  
forti a la santa cruci si abbrazzau  
d'unni appi luci, grazia e bon cunsigghiu.

E lu Cinturiuni c'arnmirau dissi:  
« Daveru, Diu, chistu è to Figghiu! ».  
Battennusi lu pettu l'aduraru  
giurannu: la to via pi sempri pigghiu.

Maria ca di duluri fusti un mari,  
chi un avi funnu, a mia nun ti scurdari!  
ricorda ca Gesuzzu da la Cruci  
m'affidò a tia pi figghiu, o Matri duci!

Assisti puru a mia a la me morti  
e fammi parti a la biata sorti.  
Ti sugnu figghiu, deh nun mi scurdari  
Matri ca di duluri fusti un mari!

Gesuzzu fammi sentiri dda vuci  
c'a lu latruni dasti da la cruci:  
ricordati di mia 'mparadisu  
puru pi mia 'ncruci fusti misu!

Pirdunami Gesuzzu bonu e duci  
ricorda ca pi mia si misu 'ncruci;  
allegru quannu moru lu to visu  
deh! mostrami e mi chiama 'mparadisu!

## CANTI DI PASSIONE (continuano)

5

Gesù trenta tn anni isti spersu  
e nun avisti un'ura di cunfortu!  
La dura morti sempri avenriu mpessu  
comU quannu priastivu ntra l'ortu;  
di nivuru lu Celu si ha cupertu  
quanfU vi vitti 'ncruci misu a tortu.

«Figghiu me, chiànciu lu to latu apertu  
di spini si ncrunatu e 'n cruci mortu!».

— Matri,  
— Figghiu, chi vvo?  
— Vogghiu licenza:  
voggh'ini a fari orazioni all'ortu.  
— Partiti, Figghiu me d'ubbidienza!  
— Mi partu, a tn Discipuli mi portu.  
— Figghiu, quannu vidrò la to pnisenza?  
— Nnall'ura ~hi la cruci 'n coddu portu;  
ed a la cruci avrai cu mia suffrenza:  
O Figghiu miu - dirai - mi mori a tortu!

Lu venniri e santu  
si metti a la via  
circannu lu Figghiu  
la Matri Maria.

O Donna, oh unni iti, a cui circati?  
Circannu va la Matni pi li strati!

A lu Judè dumanna: « Dammi nova  
e Gesù Figghiu amatu, fa ch'iu trova».

« E si truaru vò ssu Figghiu arnatu~  
va cercalu a la casa di PilatuY.

Lu Figghiu trovi ddà, povira Donna!  
ligatu e flagillatu a la culonna! ».

Maria curri e curri a supraciatu,  
ma nun po tràsiri, di fòra l'ha attintatu:

Ahi comu a ddi carnuzzi dannu forti!  
dannu mille e seicentu vastunati!

Povira Matri grida arrè li porti:

« Adaciu su Carnuzzi delicati »

La Matri chiama: « Gesù, Figghiu amatu! »

« Matri, o Matri nun pozzu grapiri  
ca li Judè mi tennu ncatinatu.

‘Nn’u mastro di li chiova aviti a jri,  
‘nni sta furgianu tn pi a mia ‘nchiuvani;  
ca grossi nun li fa ci aviti a diri:  
li manu a mia, li pedi hannu asquarciani ».

« Cci dicu ca li fa li cchiù gentili,  
ca sunnu pi li tò carnuzzi fini ».

Li tranni però allura nispunneru:  
« No! guarriati e grossi li avi a fari;  
già li cumanni ‘nn’iddu cci junceru;  
nun carni fini sù pejiu di cani! ».

La Matni ssi palori quannu afferra,  
scura lu celu e si annegghia la terra!  
Pòvira Matri a ssù crudu parrani  
Lu sulì è scuru e nivuru è lu mari!

Ed eccu passa d’una strata nova  
‘na porta d’un firraru aperta trova.

« O caru mastru, vui chi stati a fari? ».  
« Staju facennu tn punta di chiova.  
Staju facennu tn punta di chiova  
c'annu 'nchiuvari li~ Figghiu a Mania! ».

— « O cani mastru nun li stati a fari  
ca ju ti pagu la 'ntera mastria ».  
= « Donna, nun pozzu jù tralasciari,  
ca 'nveci d'iddu 'nchiovanu a mia! ».

— « T'arriccumannu 'un li fari furgiate  
c'hannu a passari carni dilicati ».  
= « Cara Signura, si fussi pi mia,  
di modda cira ci li faria ».

Lu farisè rispunni senza cori:  
« Chiù grossi e chiù puncenti s'hannu  
Quannu la Matri senti sti palori  
scura la terra, lu celu e iu mari!

E n'autru mastru c'era ntra la via:  
— « Caru su mastru, vui chi stati a fari? »  
= « 'Na cruna pi lu Figghiu di Maria;  
di grossi spini la divu 'ntrizzari! ».  
— « Pregu un la fari di spini ntrizzata...  
t'arriccumannu un la fari puncenti...  
E' la so frunti santa è dilicata;  
mai ha pinzatu a mali ed è 'nnucenti ».  
= « Cara signura, si fussi pi mia  
di rosi e gigghi cci la faria ».

Quannu la Matri senti stu parrari  
'nchiarisci un pocu lu celu e lu mari.

C'è appressu 'u mastru d'ascia ntra la via:  
— « O bonu mastru vui chi stati a fari? ».

= « La cruci pi lu Figghiu di Maria ».

— « O bonu mastro nun cuntinuari  
ca ju ti pagu la 'ntera fatia! ».

«O bona Donna, nun pozzu lintari  
ca 'nsemi a Gèsu la fannu ed a mia ».

— « 'Ssi mali gruppa tu cci voi lassari?

« Chi peni chi trummenti, amaru mia:  
ccà ddi Carnuzzi santi hannu appujari!

Ccà ddi Carnuzzj santi hannu appujarj  
chi peni, chi trummenti amaru mia!... »

Chianci, oh comu chianci ccà Maria!  
chiancemu nui cu Idda 'ncumpagnia!

« A Cui adduma lu sull e la luci  
ed è di tutti lu ciatu e la vita,  
tu ci pripari a l'uncontru la cruci  
e cu trummenti cci levi la vita!  
]Iddu a li cechi cci detti la luci  
libbrusi e morti riturnau a la vita  
da a surdi e muti la 'ntisa e la vuci  
e Lazzaru risuscita a la vita ».

« Cara Signura, si fussi pi rriia  
un tronu d'oru a Gèsu ci faria! ».

« Si lu to veru beni tu sapissi  
lu to 'ntiressu 'un la cuntinuassi~  
ca Gèsu è Onnipotenti è la salvizza  
la fonti d'ogni beni e cuntintizza ».

## L'Anima del Rapsoda

### 6

« Amaru miu! piccannu, ju, o Maria  
puru la Cruci fazzu a lu Missìa!... »~

« Cara Signura, si fussi pi mia,  
un tronu d'oru a Gèsu ci faria  
O bona Matri, oh lu putissi fari:  
un tronu d'oru a Gèsu prepararari ».

« Oh senti, figghiu senti un bon cunsigghiu:  
pi tronu tu ci ha dan lu to cori;  
pi tia scinni d'in celu e 'ncruci mori!  
l'amuri tò ci ha dan e lu to cori!

Tu nn'avirrai la paci e la salvizza,  
e 'n Paradisu eterna cuntintizza! ».

E lu venniri e santu la matina  
Maria dulenti camina camina...

= « A cui circati, o Donna, oh unni jti? »  
Circannu va la Matri pi li strati...

Ed a l'Ebrei dumanna: — « Oh chi 'un sintiti?  
a Gèsu ju cercu... oh unni lu purtati? ».

= Rispusi unu Judè, si lu vuliti,  
iti a iu sangu sangu chi ha lassatu (!!!)...

Chianciti tutti cu Maria chianciti  
omini e donni chi cca vi truvati:  
supra ddu Sangu chi chiantu facial!  
oh comu chianci la Matri Maria!

E caminannu 'ncontra e fa firmari  
na Donna la Vironica chiamata:

— « Donna, chi ha vistu a me Figghiu passari? »  
= « Cu è to Figghiu, o Matri scunsulata? »  
— « Cchiù beddu d'Iddu nun si pò 'ncuntrari ».  
« Passau un tali omu 'ntra sta strata  
ca uguali non ci n'è ne mancu rari;  
ma comu era dulenti e maltrattatu!  
si smossi lu me cori avvicinari  
suduri e sangu ci hajiu asciucatu!  
Ma comu fici prestu a cumpinsari!  
La stampa di la facci m'ha lassatu  
'nta chistu velu, oh tantu potti fari;  
guarda chi è chistu lu to Figghiu amatu? ».  
Maria arricanusci lu so Figghiu  
ma un avi cchiù nè forma nè assumigghiu.

Sutta a la cruci l'incontra Maria  
sutta a la cruci nta la dura via,

sutta a la cruci lu 'ncontra a so Figghiu.  
Oh tirannia, oh mala cumpagnia!  
nè forma avi cchiù nè assumigghiu!  
'nsina a lu munti lu ju a accumpagnari  
'nsina a lu munti senza fini affritta;  
ed a la Cruci iu vitti 'nchiuvari  
'ntra lu so cori 'nchiuvata e trafitta!...

Suffriu cu Gèsu la dura 'ngunia  
e l'anima la spata ci firia;  
suffriu cu Gèsu la Passioni  
o Matri duna a nui cumpassioni;  
accetta ca cu fidi ed ad-urannu  
la santa Passioni jamu cantannu.

## Angosce di Maria

Chista notti e stu matinu  
oh chi angosci oh quali peni  
ha la Matri di continuu  
chiama a Gesù lu so Beni.

Senza Gèsu comu campa?  
lu so ciatu è la so vampa  
la so vita, lu so cori:  
Idda è morta si Iddu mori!

— « Ah si mori, oh ch'iu murissi;  
cu Gesù chi trapassassi  
chi cunsolu chi ni avissi...  
Sdisulata un arristassi!

Veni veni tu Giovanni  
m'accompagna ntra l'affanni;  
a Gesù vaiu a cercari  
nquali statu l'ho a 'ncuntrari!

Dulentissima Maria  
Matti santa, t'accompagnu:  
vegnu a soffriri cii tia  
mai di nenti cchiù mi lagnu!

T'accompagnu passu passu

Matri mia cchiù fin mi arrassu;  
pila vita e pila morti  
ca è Gèsu la mia sorti!

La spada che trapassa l'anima a Maria  
Maria sott'a la cruci 'na gran spata  
trapassa lu to Cori oh chi duluri!  
Oh Matri assai dulenti e addulurata  
quantu suffristi pi li piccaturi.

Lu Sangu Gèsu versa pi nuatri  
'nni duna a T'ia, Maria pi nostra Matri!

L'incomparabile scenario del Calvario:

La Crocifissione, la Deposizione, la Pietà!

E lii celu e la terra sbiguttùu  
e lu sui e la luna si oscurau  
quannu misiru 'ncruci all'omu Diu  
puru chi 'un avi occhi lacrimau!

Tn un stetti Gèsu in agunia  
tn un eterni di estremi turmenti!  
'mpressu a la cruci si stava Maria  
e assemi pena e mòri amaramenti!

Tn un ancora doppu chi muruu  
guadau lu Figghiu d'in Cruci pinnenti  
'na cruda lancia u còni ci graplu

oh Matri affritta! oh comu nn'è trafitta!

Poi dissiru Giuseppi e Nicudemu:  
D'in cruci, o Matri, nui lu scinniremu  
cu massirnu rispettu e summu aflettu  
ca Gesù è lu to figghiu e lu io amuri  
ca Gesù è lu to Figghiu e lu to Gigghiu  
ed è nostru Signuri e Redenturi!

Quannu Giuseppi scippa u chiovu riu  
tannu la santa Mâtri assintumàu  
e quannu di la crùci lu scinniu  
ad una ad una li chiaghi vasau.

L'afflitta e addulurata Matri mia  
cu li lacrimi amàri lu lavau  
cu di la pietati nun chiancia?  
— « Figghiu cu lu to visu stravisau?!

Accussì affrittu un ti canuscirìa ».  
= La cruci nni 'ngranniu e nni salvau  
ma ntra lu luttu nni arristau Maria!  
Povira Matri a chi luttu arristau!

## Maria parra cu la Santa Cruci

— Cruci, comu a me Figghiu ti abbrazzasti!  
Cruci ca tu li sà li me lamenti.  
Tu sula li so chiàghi participati  
cumpagna di sta Matri assai dulenti!

Ntra li to vrazza tu ti lu pigghiasti.  
Cruci comu p0' èssiri cuntenti!  
Lu sustinisti, o Cruci ed agustàsti  
chi morti fici stu Figghiu 'nnuccenti!

Cruci, Crucidda mia, lignu sacratu,  
dunami cuntu di lu Figghiu miu;

chi doppu chi fu tuntu fragillatu  
ubbidienti li vràzza stinniu!  
Cruci, comu un guardasti lu so latu  
quannu la lancia crudili firu,  
doppu chin capu a tia spirau lu ciatu  
e tuntu affrittu a su lòcu finiu?!

## Lu Chiantu di la Cruci

Cruci chi hai ca chianci e ti lamenti?  
Comu nun lassi chianciri a Maria,  
c'avia un Figghiu tantu ubbidienti  
e la Iassau ed abbrazzau a tia?!  
Cruci l'hai vistu suspisu e pendenti  
nni li tn un chi fu 'nagunia?  
Spirari l'arma a Cristu Onniputenti  
sì tu vidisti assemi cu Maria!

Ahi chianci, o Cruci a lacrimi di Sangu,  
comu Gesù neli'òrtu agunizzannu;  
Gucci di sangu Virgiriù purissimu:  
lu stessu Sàngu di Gesù Santissimu!  
Oh chi abbrazzatu a lu tò truncu santu,  
comu la Piccatrici in granni chiantu  
ciuri chi all'acquazzina si arrisbigghia  
ncapu e ntra lu còri mi lu pigghia!

Cruci lettu di Cristu veramenti  
unni pusàru ddi Carni Divini;  
comu ti trafittau ddu chiovu ardenti  
chiddu chi strazza ossa nervi e vini!  
Sutta la Cruci, so Matri dulenti  
vitti lu Figghiu sò fari la fini!  
Ahi vitti ca la lancia crudamenti  
mortu chi fu lu pèttu ci grapini!

Cruci di Cristu amatu si lu lettu  
si tù lu me ripòsu a la me morti;  
chiova chiantàtivi ntra lu me pettu  
comu a Gesù a la Cruci forti forti!  
Filici, o mio Gesù si un mi dismettu,  
da iu to Cori nè ghiornu nè notti;  
serviriti, o Maria cu cori nettu  
e amanti disidiru pi sorti.

## I Fedeli alla Santa Croce

O Santa Cruci vi vinni a vidiri;  
vi trovu tutta di Sangu allagata!  
cu fu chi cca nchiuvàtu appi a muniri?  
= Fu Gesù Cristu ed appi la lanciata!  
— Cu fu nni tia a muriri o Santa Cruci?  
= Fu Gesù Cristu lu Re di la luci!

## Alla Madre Addolorata

Maria sutta la Cruci 'na gran spata  
Ti trapassau, oh martinii oh chi duluni!  
O Matni assai dulenti e scunsulata!  
quantu suffristi pi nui piccatuni!  
Gesù lu Sangu dètti pi nuatri,  
nni detti a Tia Maria pi nostra Matri!

Alla Santa Croce, alla Madre Addolorata,  
al Preziosissimo Sangu

Oh chi aibiru sublimi!  
Santa Cruci; oh nni redimi!  
Oh chi Sangu pniziusu,  
Di Gesù Spusu amurusu!  
Veramenti è Diu d'Amuri  
Gesù Nostru Salvatuni!

Pi li chiaghi di to Figghiu  
Maria, mi chiami a bon cunsigghiu

ed all'urtima 'ngunia  
deh nni salva o Madri pia.

Sì nell'ura di la morti  
tu n'assisti e nni cunforti

t'arigorda di la Cruci  
deh a Gesuzzu fanni duci

nni presenta tu Maria  
Matri Nostra dolci e pia!

## A li santi Chiaghi

Patri Figghiu e Spiritu Santu  
riparanni, Maria cu lu to mantu!

Misericordia, Signuri  
semu tristi peccatur!

T'arrihorda, Gesù miu  
veru omu e granni Diu  
ca cu chissi santi Chiaghi  
tu l'erruri nostri paghi  
Tu nni salvi cu la Cruci  
e a lu celu nni produci  
la tua santa Passioni  
duna a nui salvazioni.

Nui prustrati t'aduramu  
li to chiaghi nui vasamu  
e chiangemu mpessu a tia  
santa Virgini Maria.

1) A la Chiaga di Tu pecli mancu

Ju ti abbrazzu amariatu  
Pedi santu straziatu!  
Chi a lu cori miu chiantatu  
sia 'ssu chiovu Gesù attennu  
ca pintutu iu chiancennu  
gridu, o Diu, mai cchiù Ti offennu!

2) A la Chiaga di Tu pedi drittu

L'arma all'apa si assumigghia  
ma pi meli Sangu pigghia  
nni ssa rosa tua virmigghia  
chista Chiaga è la mia stanza

di riposu e di spiranza  
deh mi da pirsiviranza!

- 3) A la Chiaga di la manu manca: la manu di  
lu cori!

O miu Diu ntra 'ssa finta  
di li cori calamita  
tira st'anima pintita!  
Pi ssa chiaga, Re Supernu  
deh mi strazza pi 'n eternu  
la sintenza di lu 'nfernù!

- 4) A la Chiaga di la manu dritta

Manu dritta chi ni sazii  
quannu ti apri e spanni grazii  
tè' sti baci e sti ringrazi!  
O Funtana ca a ogni stizza  
nni distilla la dulcizza  
danni eterna cuntintizza!

- 5) A la Chiaga di lii sagru Custatu

Chiaga debba chi arrisetti  
li palummi puri e netti  
ntra 'ssu nidu deh mi ammetti  
Oh fihici e furtunatu  
si darò l'urtimu ciatu  
ddocu dintra rifugiatu.

Ora mentri a tia m'inchinu  
via firisci a stu Longinu  
Crucifissu miu divinù!

## Maria invita il Peccatore

La lampa di lu molu un avi ogghiu  
chistu è lu signu ca è mortu mè Figghiu!

Di nivuru lu portu lu cummogghiu  
guardatici lu venniri a me Figghiu.

Chiamatimi a Giuanni cca lu vogghiu  
pi darici sustegnu ed arripigghiu

chiamatimillu prestu cca lu vogghiu  
sutt'a in mantu e 'ncori l'ain pi Figghiu!

Mi senti, o peccaturi? A tia vogghiu!  
ti vogghiu dati lumi e bon cunsigghiu

veni, veni prestu ca ti vogghiu  
sutt'a in mantu 'ncori amatu Figghiu!

Ti vogghiu hibirari di lu 'nfernù  
di in gran dannu e di in focu eternu

ti vogghin pricurari la salvizza  
in vogghiu c'aja eterna cuntintizza!

O piccaturi  
si un senti a Maria  
sbagghi la via  
e nun la trovi cchjù!

O mischineddu  
piccannu ha lu 'nfernù  
lu focu eternu  
e un nesci mai cchiù!

O piccaturi

si offennj a Maria,  
mali pi tia!  
Matrj un hai cchiù!

Si voi la paci,  
e voi Cufitjftizza  
si voi Salvizza  
va curri a Gesù.

Alla Matri Addulurata

Diu Vi salvi, o Regina,  
o mari di duluri,  
chi pena Simiuni  
quannu Vi dissì!

Lu cori vi trafissi  
cu 'na lanciata forti  
quannu a Gesù la morti  
profetizzaur

Oh chi duluri pruvau  
Erò Gesù circannu  
'nn'Egittu viaggiannu  
o gran Signura.

Chi pena 'ntra chidd'ura  
c'a Gesù avia smarritu  
e cu cori feritu  
ivà circannu!

Oh chi duluri e affannu  
'ncunrà a Gesù Maria  
cu 'na gran cumpagnia  
sutta a la Cruci.

N'agnellu senza vuci  
'ntra gran duluri e peni  
a lu so caru Beni  
vitti muriri.

Cu 'na lancia firiri  
a lu so Beni amatu  
lu saghiru custatu  
vitti grapiri.

Poi lu vitti scinniri  
di la Cruci schiantatu  
ntra li vrazza pusatu  
l'appi Maria.

E a sippillirlu ja  
cu pocu accumpagnatu  
sepurtu l'ha lassatu  
a lu so Beni.

Deh pi li vostri peni  
a nui dati Maria  
Pi vostra curtisia  
lu Paraddisu.

Unni cu gioia e risu  
Caftamu in armonia  
viva Viva Maria  
l'Addulurata!

## Invocazioni a Gesù Crocifisso Redentore ed a Maria Addolorata

Quantu è granni lu tò amari  
mio Gesù, miu Redenturi!  
Oh chi amuri e grann'ecessu  
lu me cori fanni 'mpressu!

Deh ntra  
mi libera e mi scanza  
iu tempu chi mi avanza  
da piccati d'ogni mali  
o Bunt~ Cilistrialj  
da lu lignu di la croci  
Gesù beddu amori duci.

Mi pirduna e fa ch'ju vegnu  
ju murennu a lu to Regnu

chi non caschi ntra lo 'nfenu  
unni è scuru e focu eternu

Pi mia 'ncruci fusti misu  
deh mi chiama 'mparaddisu

Fa biata l'arma mia  
pi l'amuri di Maria.  
E' la Matri tua biata  
e pi Matri mi l'hai data

da lu lignu di la croci  
Gesù beddu amuri duci.

Matri e Virgini Illibata  
a la Cruci addulurata

Tu mi assisti all'agunia

e cunforta l'arma mia.

Deh pi sempri adduma e 'nciamma  
lu me cori o dolci mamma

di lu bellu e santu Amuri  
di Gesuzzu Salvaturi!

## Credo del peccatore nel Redentore

Ju criu, o miu Signuri,  
a lu to granni Amuri  
è un mari senza funnu  
la tua buntà.

La tua Carità  
nni porta, nni governa,  
nni duna vita eterna  
si nui cridemu.

La fidi nun pirdemu  
pi quantu peccaturi:  
E' Cristu Redenturi  
Rimediù nostru.

O amanti e Patri nostru  
nn'hai datu 'l'esistenza  
e nui pri ricumpensa  
ti damu morti!

O mali tranni e storti!  
e ingrati farisei,  
cu Giuda e li Judei  
nui ti vinnemu!

Nui quannu ti offinnemu  
cu lu malu Piccatu  
di novu flagillatu  
ti cunnannamu!

Piccannu arriniamu  
Gesù Nostru Signuri  
chi pi lu vostru amuri  
'ncruci muriu!

All'inferi scinniu  
ma in Celu poi acchianatu  
cu nui sacramintatu  
sempri si resta!

La curpa cu detesta  
e lassa lu Piccatu  
da Gesù è pirdunatu  
da ogni erruri!

O granni Diu di amuri  
chi mai ti avissi offisu!  
mi davi paraddisu  
e l'aju persu!

Cuntritu mi cunfessu  
ma certu Ca pirduni  
accogli e un abbannuni  
l'anima mia!

Deh infini a la 'ngunia  
nn'allura di la morti  
mi da la bella sorti;  
lu Paraddisu!

Di tia sia difisu  
e avrò salvazioni  
o Santa Passioni  
di Gesù.

Viva Gesù ch'iu canti  
cu l'Ancili e li santi  
gudennu lu to visu  
'nparaddisu.

Gesù miu Redenturi  
ch'è granni lii tò amuri!  
o senza funnu mari  
di Carità!

## Lo roggiu di la Passioni

Ad un'ura di notti sta facennu  
Gesù la cena cu Giuda tirannu  
Giuda ntramenti la cena siquennu  
lu tradimentu iava cuminannu.  
E Gesù Cristu lu tuttu sapennu,  
e chi la morti java avvicinnu  
a ddu' un lu cori sò effunniù  
ed a quattr'uri li cumunicau.  
Dipoi a cinc'uri all'ortu si ni ju  
ed a se un un Ancilu chiamau  
pi cunfurtari a lu Figghiu di Diu  
Poi a sett'uri la trumma sunau  
prestu li so manu s'arrinnu.  
A l'onu un granni schiaffu ci fu datu  
a nov'uni è di tutti maltrattatu.  
A deci un pi pazzu fu pigghiatu  
Gesù Cristu di biancu fu vistutu  
a unnicu un è misu ncarzaratu  
comu avissi dilitti cummittutu;  
a dudici un 'ncasa di Pilatu,  
a tridici n.n'Erò fu cunnuciutu  
Fu fragillatu a li quattordici un  
e a sidici un c'è un gran rumuni  
gridannu: « Cruciffigilu » l'Ebrei.  
La so cunnanna fu a diciassett'urj  
a morti, ma un su sazi li Judei  
a diciott'uri lu misiru 'ncruci  
e detti a cu piccau l'eterna luci!  
Detti a dicinnov'uri la so vuci  
guardannu la so Matri 'ntanti affanni  
ch'è mpressu d'iddu a pedi di la Cruci:  
Donna pi figghiu ti lassu a Giovanni.  
A vintun'ura priau lu Patti duci  
chi pirdunassi li so malitranni  
Acqua a li vintun'ura addumannau

appi feli ed acitu e trapassau  
A li vintidu un si nutau  
già mortu e la lanciata arricivù;  
a li vintitri un si livau  
Ddu santu Gorpu di la cruci Diu  
E mrazza di so Matti arripusau  
Ca era Maria dicennu: « Figghiu miu ».  
Fu in sepultura a li vintiquattr'uri  
Maria: comu arristau cu gran duluri!  
L'aviti ntisu boni ascurtaturi  
la Passioni chi Christu patiu,  
pi salvati a nuatni piccaturi,  
supra un truncu di cruci nni muriu.  
E a cu lu servi cu perfettu amuni  
e a cu lu loda cu lu cantu piu  
dicissi un credu a la so passioni  
ca nn'avi grazii e cunsulazioni.